

**ESKIFJÖRÐUR**

# **HÖFN. I**

**DEILISKIPULAG**

**HAFNARSVÆÐI  
SUNNAN STRANDGÖTU**

**ALMENNIR SKIPULAGS-  
OG BYGGINGARSKILMÁLAR  
MEÐ DEILISKIPULAGI  
DAGS. 26 03 98**

**ARKITEKTASTOFA ÓTTARS HF  
BÚÐAREYRI 2 730 REYÐARFIRÐI**

**MARS 1998**

**HÖFN. 1**  
**HAFNARSVÆÐI SUNNAN STRANDGÖTU.**  
**ALMENNIR SKIPULAGS- OG BYGGINGARSKILMÁLAR.**

**1. Gildissvið:**

Skilmálar þessir ná til hafnarsvæðisins sunnan Strandgötu og austan iðnaðarsvæðisins Leirur 1 eins og því er lýst á uppdrætti.

Á svæðinu er aðeins ein lóð og er hún nr.18 við Strandgötu

**2. Nýting:**

Nýting skal vera innan þeirra marka sem sýnd eru á skipulagsuppdrætti.

**3. Notkun:**

Svæðið er eingöngu ætlað sem athafnarsvæði hafnar og fyrir atvinnuhúsnæði tengt hafnarstarfsemi.

Ekki má byggja hús til annarra þarfa innan svæðisins, og ekki er heimilt að breyta notkun fasteigna, frá því sem að ofan er nefnt, nema til komi sérstakt leyfi bæjarstjórnar og skipulagsyfirvalda.

**4. Húsagerðir:**

Gert er ráð fyrir einnar til tveggja hæða byggingum á svæðinu.

Vegghæð einnar hæðar húsa skal að öllu jöfnu vera minni en 4.5 metrar og tveggja hæða húsa minni en 6 m, mælt frá endanlegu gólfi og í skurðpunkt ysta býrðis veggja og þaks.

Þakhalli húsa í hverfinu skal vera frá 1:4 upp í 1:2.

Sé ætlunin að byggja hús á svæðinu sem víkja frá ofangreindum mörkum, skal það koma fram í lóðarumsókn, og skal þá byggingarnefnd þá vísa málinu til Bæjarstjórnar til umsagnar.

Gera skal grein fyrir efnisvali og áferð utanhússflata á byggingar-teikningum. Litavali skal hagað í samræmi við góða venju þar um.

## 5. Byggingarreitir:

Á lóðarblaði sem lóðarhafi fær við úthlutun er sýndur byggingarreitur lóðar. Byggingar skal staðsetja innan byggingarreits, og er þá miðað við ysta borð útveggjar.

## 6. Skipulag lóðar:

Byggingarnefnd getur farið fram á, að lóðarhafi skili uppdrætti er sýni í höfuðatriðum skipulag lóðar.

Á lóðaruppdrætti skal gera grein fyrir nýtingu lóðarinnar, eins og hún er fyrirhuguð. Þar skal koma fram stærð og staðsetning bifreiðastæða, gámastæða, útilagers og annarra þeirra hluta sem máli skipta um útlit og umhirðu lóðarinnar.

Jafnan skal gera ráð fyrir einu bílastæði fyrir hverja 25 fermetra gólfflatar viðkomandi byggingar, en meta skal þó í hverju tilviki þörf á bílastæðum eftir eðli þeirrar starfsemi sem fyrirhuguð er á lóðinni. Að auki skal gera ráð fyrir gestastæðum á lóðinni.

Sé gert ráð fyrir meiri eða minni notkun gáma við þá starfsemi sem fyrirhuguð er á lóðinni eða í byggingu á henni, skulu gámar vera staðsettir á fyrir fram ákveðnum gámastæðum. Staðsetning eða uppröðun gáma annars staðar á lóðinni er óheimil nema með sérstöku leyfi, og þá einungis til skamms tíma.

Sé gert ráð fyrir því að nýta lóð, eða hluta lóðar, undir útilager eða langtímastæði fyrir vinnuvélar, vörubíla o.þ.h. skal gera ráð fyrir að reist verði um slík svæði lokuð þort, sem hefta innsýn og aðgang almennings.

## 7. kvaðir:

Kvaðir eru á lóð nr. 18 Við Strandgötu vegna holræsa, og vegna aðkomu að grjótláa í smábátahöfn. Svæði þessi eru sérstaklega merkt á skipulagsuppdrætti. Starfsmenn sveitarfélagsins skulu hafa óheft aðgengi að svæðum þessum til endurbyggingar, viðhalds og viðgerða á holræsum og grjótláa. Ekki er heimilt að staðsetja á slíkum svæðum tré, grindverk eða neitt það sem hindrað getur aðgengi, nema til komi sérstakt leyfi byggingarnefndar. Starfsmönnum sveitarfélagsins skal skylt að hraða eins og mögulegt er öllum framkvæmdum sem nauðsynlegar kunna að verða á þessum svæðum. Þeir skulu sjá til að framkvæmdir valdi ekki meiri spjöllum en hjá verður komist og gangá frá lóðinni að lokinni framkvæmd í sambærilegu horfi og hún var fyrir hana.

Kvöð er einnig á lóðinni um gagnkvæmt aðgengi frá athafnarsvæði hafnar og er því óheimilt að setja girðingar eða aðrar hindranir á suðurmörkum hennar

## **8. Lóðarveiting:**

Lóðarhafa skal við veitingu lóðarinnar afhenda skilmála þessa, ásamt lóðarblaði er sýni stærð og legu lóðarinnar, byggingarreit, nýtingar-hlutfall, fjölda hæða og svæði sem kvaðir eru á, einnig skal á lóðarblaði sýna hæðarkóta plötu, lóðarhorn og tengingar fráveitu.

Lóðum er úthlutað í því ástandi sem þær eru á úthlutunardegi.

Lóðarhafi skal eigi síðar en einum mánuði eftir lóðarveitingu greiða staðfestingargjald sem Byggingarnefnd ákveður, - ella verður lóðarveitingin sjálfkrafa ógild.

Lóðarhafi skal innan 8 mánaða frá lóðarveitingu leggja fram aðaluppdrætti skv. byggingarreglugerð til samþykktar.

## **9. Skil teikninga og meistaraábyrgðir:**

Lóðarhafi skal skila byggingarnefnd öllum tilskildum teikningum, þar með töldum sérteikningum, styrkleika- og lagnateikningum, áður en framkvæmdir hefjast.

Teikningar skulu gerðar af hönnuðum sem til þess hafa réttindi að lögum og Byggingarnefnd hefur viðurkennt.

Áður en framkvæmdir eru hafnar skulu liggja fyrir ábyrgðaráritanir byggingarmeistara, svo sem byggingarreglugerð segir til um.

Teikningar og önnur gögn um verkið skal hafa tiltækar og til sýnis á byggingarstað, þegar byggingarfulltrúi fer fram á það.

Byggingarmeistari er ábyrgur fyrir því, að byggingarfulltrúa sé gert aðvart, þegar hverjum verkáfangi er lokið, vegna úttekta og eftirlits.

Óheimilt er að taka byggingu, eða hluta hennar, í notkun án samþykkis byggingarfulltrúa.

## **10. Gröftur og framkvæmdir:**

Ekki er lóðarhafa heimilt að nota annað svæði en hina úthlutaðu lóð meðan á byggingarframkvæmdum stendur. Uppgröft sem ekki þarf til jöfnunar lóðar skal flytja burt á þann stað sem byggingarfulltrúi vísar á.

Lóðarhafi skal gæta þess, að ekki stafi hætta af framkvæmdum meðan þær standa yfir, né heldur af byggingarefni, vegna foks, rykmengunar eða annarra óþæginda, umfram það sem óhjákvæmilegt má kalla.

**11. Verkhraði:**

Sökklum og jarðvegsfyllingum í þá skal lokið innan eins árs frá útgáfu byggingarleyfis.

Bygging skal vera fokheld innan þriggja ára frá útgáfu byggingarleyfis.

Byggingarframkvæmdum skal að öðru leyti haldið áfram með eðlilegum hraða.

Lóð skal jafna og ganga frá jarðvegsyfirborði með varanlegum hætti (malar- eða malbikuð plön, portbyggingar, þökulagning, hellulögn o.þ.h.) innan tveggja ára frá lokaúttekt byggingar.

**12. Viðurlög:**

Um brot á skilmálum þessum skal farið með sama hætti og með brot gegn gildandi byggingarreglugerð, sbr. IX. kafla hennar.

**13. Frekari ákvæði:**

Auk skilmála þessara ber lóðarhafa, hönnuðum og byggingarmeisturum að hlíta ákvæðum skipulags- og byggingarlaga, laga um brunavarnir, svo og reglugerðum sem settar eru samkvæmt þeim.

Samþykkt í bæjarstjórn Fjarðabyggðar  
Þann.

A handwritten signature in blue ink is written over a blue circular stamp. The stamp contains the text 'FJARÐABYGGÐ' at the top and 'Bæjarstjórn' at the bottom, surrounding a central emblem. The signature is written across the stamp and extends to the right.